



SLUŽBENE NOVINE

KANTONA SARAJEVO

Godina XIX – Broj 34

Četvrtak, 28. augusta 2014. godine
SARAJEVO

ISSN 1512-7052

KANTON SARAJEVO

Ministarstvo za rad, socijalnu politiku, raseljena lica i izbjeglice

Na osnovu člana 58. stav 4. Zakona o socijalnoj zaštiti, zaštiti civilnih žrtava rata i zaštiti porodice sa djecom ("Službene novine Kantona Sarajevo", br. 16/02, 8/03, 2/06, 21/06, 17/10, 26/12, 15/13, 18/14 i 25/14), ministar za rad, socijalnu politiku, raseljena lica i izbjeglice donosi

PRAVILNIK

O DOPUNAMA PRAVILNIKA O UČEŠĆU U TROŠKOVIMA SMJEŠTAJA KORISNIKA SMJEŠTENIH U USTANOVE SOCIJALNE ZAŠTITE I SRODNIKA OBAVEZNIH NA IZDRŽAVANJE

Član 1.

U Pravilniku o učešću u troškovima smještaja korisnika smještenih u ustanove socijalne zaštite i srodnika obaveznih na izdržavanje ("Službene novine Kantona Sarajevo", broj 22/13), iza člana 13. dodaju se novi čl. 13.a i 13.b koji glase:

"13.a

Prvostepeni organi su dužni da u roku od 30 dana od dana stupanja na snagu ovog pravilnika izvrše reviziju svih predmeta o

smještaju lica u ustanove socijalne zaštite i troškove smještaja utvrde u skladu sa Pravilnikom, o čemu će donijeti rješenje.

13.b

- (1) Prvostepeni organi su dužni da po službenoj dužnosti najmanje jednom u šest mjeseci izvrše kontrolu svih predmeta korisnika smještenih u ustanove socijalne zaštite u pogledu utvrđenih troškova smještaja, te u slučaju utvrđenih promjena donesu novo rješenje.
- (2) Ukoliko je stanje nepromijenjeno, voditelji postupka su dužni sačiniti službenu zabilješku, koje će sadržavati sve elemente provedene kontrole u skladu sa Pravilnikom i istu pohraniti u predmetni spis."

Član 2.

Ovaj Pravilnik stupa na snagu danom donošenja, a objavit će se u "Službenim novinama Kantona Sarajevo".

Broj 13-02-23191/14
25. augusta 2014. godine
Sarajevo

Ministar
Muamer Bandić, s. r.

OPĆINA CENTAR SARAJEVO

Općinski načelnik

Na osnovu člana 46. Zakona o prostornom uređenju ("Službene novine Kantona Sarajevo", broj 7/05) i člana 25. Statuta Općine Centar Sarajevo - Prečišćeni tekst ("Službene novine Kantona Sarajevo", broj 23/04), Općinski načelnik, dana 19.08.2014. godine, verificovao je i donio

ODLUKU

O KOREKCIJI REGULACIONOG PLANA "JAGOMIR I"

Član 1.

Utvrđuje se korekcija Regulacionog plana "Jagomir I" ("Službene novine Kantona Sarajevo", broj 20/09), u daljem tekstu: korekcija Plana.

Član 2.

Predmet Korekcije Plana je ukidanje dijela planirane sekundarne saobraćajnice u naselju Nahorevo. Saobraćajnica se

ukida na dijelu na kojem je istu tehnički nemoguće izvesti zbog velike visinske razlike.

Ovom korekcijom, predviđeno ja da se predmetna saobraćajnica završi okretnicom, prema saobraćajnim propisima. Planirana saobraćajnica gabarita je kolovoza 2 x 3,00 m sa obostranim pločnicima za pješake od 1,50 m, dužine cca 60,00 m, a u svemu prema grafičkom prilogu br. 3 - Urbanističko i saobraćajno rješenje (R 1:1000).

Član 3.

Korekcija Plana sastoji se iz tekstualnog dijela i grafičkih priloga: Izvod iz RP-a "Jagomir I" - "Urbanističko rješenje", R 1:2500 sa naznačenim predmetom korekcije (graf. prilog br. 1), Izvod iz RP-a "Jagomir I" - "Urbanističko i saobraćajno rješenje", R 1:1000 (graf. prilog br. 2) i Korekcija RP-a "Jagomir I" - "Urbanističko i saobraćajno rješenje", R 1:1000 (graf. prilog br. 3) na kojima je prikazana korekcija Plana.

Tekstualni dio i grafički prilozi korekcije Plana, sastavni su dio Regulacionog plana "Jagomir I" ("Službene novine Kantona Sarajevo", broj 20/09).

Član 4.

Korekcija Plana je rađena za fazu urbanizma i saobraćaja, a obaveza investitora je da za faze komunalne infrastrukture izvrši usaglašavanje Korekcije Plana sa Idejnim rješenjima, koja su sastavni dio Regulacionog plana "Jagomir I", te da pribavi saglasnosti nadležnih javnih komunalnih preduzeća.

Član 5.

Po jedan primjerak ovjerene korekcije Plana (tekstualni i grafički dio) nalazi se na stalnom javnom uvidu i čuva se u Službi

dokumentacije Općine Centar Sarajevo, Zavoda za planiranje razvoja Kantona Sarajevo, Gradskoj upravi Grada Sarajeva i Ministarstvu prostornog uređenja i zaštite okoliša Kantona Sarajevo.

Član 6.

Ova Odluka stupa na snagu narednog dana od dana objavljivanja na oglasnoj ploči Općine Centar Sarajevo, a naknadno će se objaviti u "Službenim novinama Kantona Sarajevo".

Broj 23-382/14
19. augusta 2014. godine

Općinski načelnik
Dževad Bećirević, s. r.

OPĆINA NOVI GRAD SARAJEVO

Općinski načelnik

Na osnovu člana 46. Zakona o prostornom uređenju ("Službene novine Kantona Sarajevo", br. 7/05), i člana 37. Statuta Općine Novi Grad Sarajevo ("Službene novine Kantona Sarajevo" br. 30/09 - Prečišćeni tekst), Općinski načelnik, dana 18.08.2014. godine, verificovao je i donio

ODLUKU

O KOREKCIJI REGULACIONOG PLANA "BAČIĆI" (poslovni objekat na parceli k.č. 1775 KO. Novo Sarajevo)

Član 1.

Utvrdjuje se Korekcija Regulacionog plana "Bačići" ("Službene novine Kantona Sarajevo", broj 13/02), u daljem tekstu: Korekcija Plana.

Član 2.

Korekcijom Plana utvrđeni su planski preduvjeti za planiranje poslovnog objekta kao na zemljištu označenom kao k.č. 1775 K.O. Novo Sarajevo IV Općina Novi Grad Sarajevo, prema sljedećim urbanističko-tehničkim uslovima:

Gradevinska parcela br. 18A

- Regulaciona linija gradevinske parcele br. 18A planirana je na dijelu parcele označene kao k.č. 1775 KO Novo Sarajevo IV, Općina Novi Grad Sarajevo, na način kako je prikazano u grafičkom prilogu br. 2 i 3.
- Prilaz planiranoj gradevinskoj parceli br. 18A. planiran je na način kako je prikazano u grafičkom prilogu br. 2 i 3.
- Namjena planiranog objekta je poslovna
- Max. BGP za objekat spratnosti P+1 iznosi 2287,5 m²
- Max. BGP za objekat spratnosti P+3 iznosi 4777,5 m²
- Gradevinska linija objekta prikazana je u grafičkom prilogu br. 2 i 3
- Gradevinska parcela zauzima površinu od 3500 m²
- Potrebno je obezbijediti parking prostor unutar gradevinske parcele ili samog objekta.

Gradevinska parcela br. 18

- Regulaciona linija gradevinske parcele br. 18 planirana je na dijelu parcele označene kao k.č. 1762/1 KO Novo Sarajevo IV, Općina Novi Grad Sarajevo, na način kako je prikazano u grafičkom prilogu br. 2 i 3.
- Prilaz planiranoj gradevinskoj parceli br. 18 planiran je na način kako je prikazano u grafičkom prilogu br. 2 i 3.
- Namjena planiranog objekta je poslovna, a spratnost je P + 1, odnosno max. visina objekta 12 m.
- Gradevinska linija objekta prikazana je u grafičkom prilogu br. 2 i 3, tako da max. BGP jedne etaže iznosi 306 m², a max. BGP planiranog objekta iznosi 612 m².
- Gradevinska parcela zauzima površinu od 1435 m²

- Potrebno je obezbijediti parking prostor unutar gradevinske parcele ili samog objekta.

Gradevinska parcela br. 17

- Regulaciona linija gradevinske parcele br. 17 planirana je na dijelu parcele označene kao k.č. 1774 KO Novo Sarajevo IV, Općina Novi Grad Sarajevo, na način kako je prikazano u grafičkom prilogu br. 2 i 3.
- Prilaz planiranoj gradevinskoj parceli br. 17 planiran je na način kako je prikazano u grafičkom prilogu br. 2 i 3.
- Namjena planiranog objekta je poslovna, a spratnost je P + 1, odnosno max. visina objekta 12 m.
- Gradevinska linija objekta prikazana je u grafičkom prilogu br. 2 i 3, tako da max. BGP jedne etaže iznosi 270 m², a max. BGP planiranog objekta iznosi 540 m².
- Gradevinska parcela zauzima površinu od 1020 m²
- Potrebno je obezbijediti parking prostor unutar gradevinske parcele ili samog objekta.

Član 3.

Korekcija Plana sastoji se iz tekstualnog dijela i grafičkih priloga:

- Izvod iz Regulacionog plana "Bačići" - Prostorna organizacija i prijedlog razmjesta objekata M 1:1000
- Korekcija Regulacionog plana "Bačići" - Prostorna organizacija i prijedlog razmjesta objekata M 1:1000
- Korekcija Regulacionog plana "Bačići" - Prijedlog plana parcelacije, gradevinske i regulacione linije M 1:1000

Član 4.

Korekcija Regulacionog plana je rađena za faze urbanizma i saobraćaja, a obaveza investitora je da za faze komunalne infrastrukture izvrši usaglašavanje Korekcije Plana sa Idejnim rješenjima koji su sastavni dio Regulacionog plana "Bačići" ("Službene novine Kantona Sarajevo", broj 13/02), te pribaviti saglasnost nadležnih javnih komunalnih preduzeća.

Član 5.

Po jedan primjerak ovjerene korekcije Plana (tekstualni dio i grafički prilog) nalazi se na stalnom javnom uvidu i čuva se u Službi dokumentacije Općine Novi Grad Sarajevo, Zavoda za planiranje razvoja Kantona Sarajevo, Ministarstva prostornog uređenja i zaštite okoliša Kantona Sarajevo i Gradske uprave Grada Sarajeva -Službe za urbano planiranje i stambene poslove.

Član 6.

Ova Odluka stupa na snagu narednog dana od dana objavljivanja na oglasnoj ploči Općine Novi Grad, a naknadno će se objaviti u "Službenim novinama Kantona Sarajevo".

Broj 02-23-22211/13-4
18. augusta 2014. godine

Općinski načelnik
Mr. Semir Efendić, s. r.